

UNTUK EDARAN SEGERA

Ruj. Kami : JPPM/100-2/1/8 (4)
Tarikh : 29 Oktober 2025

SIARAN MEDIA

MAJLIS PENYERAHAN PROJEK SEKOLAH ANGKAT MADANI (SAM) JABATAN PENDAFTARAN PERTUBUHAN MALAYSIA (JPPM) TAHUN 2025

KUALA SELANGOR, 29 Oktober 2025 – Jabatan Pendaftaran Pertubuhan Malaysia (JPPM), Kementerian Dalam Negeri (KDN) telah menganjurkan **Majlis Penyerahan Projek Sekolah Angkat MADANI (SAM) Jabatan Pendaftaran Pertubuhan Malaysia (JPPM) Tahun 2025** bertempat di **Sekolah Menengah Kebangsaan Bukit Kuching Tengah, Jeram** hari ini.

Inisiatif ini adalah selaras dengan hasrat Kerajaan Perpaduan untuk merapatkan jurang dan memastikan tiada murid yang tercicir daripada menerima pendidikan yang berkualiti, selesa, dan kondusif, dengan menekankan prinsip kebertanggungjawaban dan keterangkuman yang mana pembangunan sekolah adalah tanggungjawab bersama.

Menurut YBhg Dato' Mohd Zulfikar bin Ahmad, Ketua Pengarah JPPM dalam ucapannya, projek yang diserahkan pada hari ini merupakan manifestasi keprihatinan JPPM dan rakan strategik terhadap keperluan sekolah ini, dengan tujuan mewujudkan persekitaran pembelajaran yang lebih kondusif bagi meningkatkan lagi kecemerlangan pelajar dan sekolah.

JPPM merupakan sebuah agensi di bawah KDN yang bertanggungjawab mendaftar dan mengawal selia hampir 200 ribu pertubuhan berdaftar di Malaysia, dan dalam hal ini bukan sahaja berperanan sebagai agensi penguatkuasa, tetapi turut menjadi pemangkin kepada penglibatan aktif masyarakat sivil dan sektor korporat dalam pembangunan pendidikan dan modal insan.

JPPM turut merakamkan setinggi-tinggi penghargaan dan terima kasih kepada semua pihak yang terlibat secara langsung serta tidak langsung, termasuk sokongan padu daripada rakan-rakan strategik JPPM dalam menjayakan pelaksanaan projek SAM ini, seterusnya menjadikan usaha ini sebagai sumber inspirasi bagi pelajar-pelajar untuk mencapai kecemerlangan.

Unit Komunikasi Korporat

Jabatan Pendaftaran Pertubuhan Malaysia
Kementerian Dalam Negeri

Aras 8 & 9, Setia Perkasa 7, Kompleks Setia Perkasa, 62546 Putrajaya

Telefon: 03-88702601 | Faks: 03-8870 2659



www.ros.gov.my



@jppm_my